


21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42  
43  
4

古 130  
854.1  
部 - 52







金石萃編卷一百二十八

賜進士出身 誥授光祿大夫刑部右侍郎加七級王昶謨

宋六

華嶽題名八十六段

李濬題名

石橫廣一尺五分高九寸四行行八字正書

樞密直學士知秦州李濬於大中祥符三年二月二日

赴任經口口謁

下缺

按李濬為李超之子宋史附潘美傳李超者冀州

信都人為禁卒常從潘美軍中主刑刀美好乘怒

殺人超每潛緩之美怒解輒得釋以是全者甚眾



金石錄卷一百一十八  
人謂其有陰德子濬字德淵中進士景德初累判  
吏部銓權樞密直學士尋知開封遷右司郎中出  
知秦州暴疾卒濬與李宗諤同歲同月後一日生  
其卒也亦後一日衆以爲異據李宗諤傳宗諤以  
大中祥符五年五月卒年四十九則濬之卒年月  
與春秋若干皆有可攷而知此題在大中祥符三  
年二月是其官秦州蓋兩年餘也

韓國長公主設醮題記

在乳香記右側上截七行行  
十四字至十七字不等正書

大中祥符三年歲在庚戌三月庚辰朔七日丙戌入內  
內侍省內侍高班張懷則奉 宣爲 韓國長公主消

災祈福於

西岳廟請道士二七人修建靈寶道場三晝夜散日設  
五岳謝恩大醮一座 □刊于石 □記雲臺觀悟真大師  
賈得升題

宋史本傳楊國大長公主至道三年封宣慈長公主  
咸平五年進魯國下嫁柴宗慶歷徙韓魏徐福四國  
仁宗立進鄧國大長公主以真宗本紀攷之封韓國  
後應是衛國非魏國也本紀是年閏二月帝幸第視  
疾卽指此事案太宗七女惟此歷封韓國爲長公主  
若雍國大長公主亦改封韓非此關中金  
石記



按宋史公主傳太宗七女第四女卽公主蓋真宗之妹也真宗紀大中祥符三年閏二月戊寅幸韓國長公主第視疾是月辛亥朔戊寅爲廿八日而張懷則奉宣詣西嶽廟修建道場消災祈福在三月七日計其行程數日則奉宣啟行與視疾同時事也祈禱後逾月卽愈仍差張懷則赴西嶽禱謝記文見下

韓國長公主禱謝題記

在乳香記右側中段作兩截書上設醮記八行下人名四

行字數各不等正書

入內內侍

省內

侍高班張懷則爲

韓國長公主疾愈

丞

命再來禱謝

嶽靈請道士二七人開啟靈寶道場三晝夜散日設

清醮壹座行事禮畢而退時大中祥符三年四月口八

日

悟真大師賈得升題記

勾當人員三人

通引官周寶

右都押衙李元吉

虞候傅口



宋垂遠等題名

在拱極觀碑右側下截五行行二十四字左行隸書後張綽題三字行書

庚戌歲季秋月廿日閣門祗候宋垂遠奉

命提點京西刑獄公事

詔旨給假迎侍北堂

與弟秘省正字寧遠知邑棘丞師仲宰知京兆昭應縣

張綽進士龐房同告謁

靈祠

張綽題

按宋史傳宋璫字寶臣華州渭南人長子明遠次

子柔遠三子垂遠

關中金石記誤作次子

據此題有弟寧遠

史所不載此題云庚戌季秋提點京西刑獄公事

庚戌為大中祥符三年京西舊分南北兩路後併

為一路南路所屬為襄陽府鄧隨金房均郢唐七

州光化一軍北路所屬為河南潁昌淮寧順昌四

府鄭滑孟蔡汝五州信陽一軍垂遠家于渭南請

假省母則於北路為近也垂遠父璫傳稱卒于淳

化四年年六十一至此年距璫之卒又十八年度

其母年幾八十矣稱母為北堂始見於此

龐房等題名

在拱極觀碑右側上截作兩層書上四行字已磨泐疑為詩行書下題名八行

行五字正書

獨尊

□天門



□□□渭浪渾

□此瑞彩闐雲奔

三班奉□□□奉命排□并修建行宮大中祥符

三年季秋二十有五日與進士龐房同謁清廟

李懷□設醮題名石殘缺橫廣一尺二寸十行行僅存六字

內侍省缺殿頭李懷□缺宣將祀汾陰缺軍民祈福

於

西嶽廟內□拜缺啟道場七晝夜缺設醮一座全丁缺

禮畢次日東行缺闕專刊石銘

□齋悟真

按此題記泐其年月据記有將祀汾陰四字未史

禮志真宗東封又明年以羣臣請詔許四年春祀

汾陰后土此云將祀則在三年矣

李自正題名在張羅民題名之左三行行五字六字不等左行正書

嶽神冊帝之明年孟春望寓居李自正題

按此題無年月但云嶽神冊帝之明年西嶽加封

金天順聖帝係大中祥符五年事則此為六年所

題也

張懷彬等題名在述聖額碑額述字之下七行行十一字十二字不等正書

天書九載孟春十日入內供奉張懷彬道場於岳祠入



內高班孫可久投龍於僊谷偶會入內高品李懷凝自  
涇原承受解秩歸闕時與知縣大理寺丞張綽同焚  
香于

金天順聖帝致誠而退孫題

按天書九載印大中祥符九年

王懷珪設醮記

石高一尺廣八寸八行  
行十一字左行正書

大中祥符九年六月口口日入內侍省內侍高品王懷

珪奉宣於嶽廟真君觀道場口七晝夜罷散日

設醮一座續口勅差太府少卿蔡汝賈口口祝版

祭告同會于口祠

大理寺丞知縣事張綽書

長安普濟廣教大師澄遠

李知常設醮題記

在乳香記左側上載  
六行行十五字正書

大中祥符口年六月十四日

入內內侍省內侍高品李知常奉

宣賚口口恭詣金天王廟及

真君口二處請道士口七人悟真大師賈得升等口建

靈寶道場三晝夜散日設醮各口口共七百二十分刊

石為記

許文德題名

石高六寸五分廣五寸三行行九字正書



□□兼兵馬監押

將仕郎守縣尉許文德天禧三年十月二日題

送御書奉神述碑記

石高一尺三寸廣九寸八行行八字九字十一字不等行書

□□管勾部送

御製御書奉

神述碑石壹片赴

西嶽廟殿上西畔於天禧四年十月二十七日已後午

前丙時豎立訖故記之

入內內侍省內侍殿頭鄧保口

文有云已後午前丙時豎立所稱丙時卽二十四路

法也其法出之淮南子天文訓子午卯酉爲二繩丑

寅辰巳未申戌亥爲四鈞東北爲報德之維西南爲

背陽之維東南爲常羊之維西北爲號通之維所謂

四維者乾巽坤艮四路也故下又有斗指子則冬至

指癸則小寒指丑則大寒指報德之維則立春指寅

則雨水指甲則驚蟄指卯則春分指乙則清明指辰

則穀雨指常羊之維而立夏指巳則小滿指丙則芒

種指午則夏至指丁則小暑指未則大暑指背陽之

維而立秋指申則處暑指庚則白露指酉則秋分指

辛則寒露指戌則霜降指號通之維而立冬指亥則



小雪指王則大雪等說道家傳黃帝宅經多有其法  
世蓋襲用之而不知其出於淮南矣又云神述碑一  
片玉篇有片字云平也又有廳字云客厨此蓋以片  
爲廳案聽事之所爲廳古無片廳二字是卽用聽字

矣關中金  
石記

按春明退朝錄載大中祥符四年車駕次華陰上  
見岳神數里迎謁召問老巫阿馬婆對如上所見  
上加敬禮詔封爲金天王仍上自書製碑文以寵  
異之其碑高五十餘尺濶丈餘厚四五尺天下碑  
莫及也其餘刻扈從太子王公以下百官名氏製

作壯麗巧無倫比焉卽此記所謂管勾部送御製  
御書奉神述碑石壹片之事也片乃斫字之省見  
集韻語已詳夢英詩碑關中金石記謂以片爲廳  
非也奉神述碑製作壯麗惜搨本未見而所刻扈  
從太子王公百官名氏皆無從攷證

真宗御製詩殘字碑已斷裂僅存二塊一高一尺九  
寸廣一尺八寸兩截書上七行下  
六行每行二三字至四五字不等一高  
一尺八寸廣一尺四行字數無攷行書

缺  
□一首賜

勅丁□缺

缺  
□映遠空今

汾陰□缺



缺 □ 神功如披

紆宸翰 缺

缺 中曾有靈

厚載 缺

缺 □ 觀積壽

□ 缺

缺 回輿聊

□ 缺

缺 祀

缺 □ 篇 □ □ □ □ □

缺 □ □ 親祠 □ 缺

缺 □ 缺

按宋詩紀事搜探真宗詩得七首而此詩未見則亦以殘缺過甚不能錄存也詩有汾陰回輿親祠

等字知為祀汾陰以後賜從臣之作附以備攷又

攷玉海大中祥符四年四月丁未作西祀還京歌

有寬簡育羣生虔恭居大寶之語賜近臣和庚戌

三司使丁謂等請以汾陰路聖製歌詩命大臣書

立石此詩前序殘泐之中有勅丁二字或即勅丁

謂等之文姑附識之

李昭通等華嶽殘詩

在拱極觀碑左側上下皆泐共八行字數無攷行書

□ □ □ □ □ □ 學士使于汾陰 缺

□ □ □ □ □ □ 是行各賦小詩以刻貞 缺

嶽神 □ □ 作鳴 □ □ 再揖香 膠奠 缺



□□□□□□□□檢昭壤而今已

方聽齊代說天地同

和自缺

□□鑿□□□□葱蔥預有期

李昭通森

森松栢蔭□

連巨鎮金方缺

□□□祀奉惟馨

其二

五千危仞倚晴空襟帶關河地望

雄鳴蹕和缺

□□□□□□□□汾陰星駕翩翩謁翠岑削出三峯

如筆 □須知缺

按此詩亦殘缺僅見李昭通姓名宋史傳有李昭

慶為繼隆子李昭遜為繼和子並處耘孫而獨無

昭通宋詩紀事亦無攷詩可讀者二句其全篇當

是七律前有序云各賦小詩則非一人作也序有

汾陰嶽神等字亦從祀汾陰而謁嶽神者

錢若水等觀稼謁廟殘題

石高八寸廣六寸四行行六字左行正書

□□□錢若水

寺丞直史館陳

承 命觀稼□

閔同謁斯廟

按史傳錢若水字澹成一字長卿河南新安人真

宗卽位累加工部侍郎充集賢院學士判院事修



金石錄卷一百三十一  
太宗實錄累知開封府又遣巡撫陝西緣邊諸郡  
此題觀稼謁廟殆卽巡撫陝西時事而真宗紀不  
詳巡撫爲何年題名又無年月可系姑附於真宗  
之末

段微明設醮記

石高一尺五分廣七寸七行行  
十字至十八字不等左行正書

乾興元年二月十五日奉

宣差入內內侍省內侍高品段微明佐慶成軍口寧宮  
太寧廟各開啓道場七晝夜罷散口口口赴西嶽廟并  
真君觀各開啓道場三晝夜各設清醮一座已上

口帝謝三月一日

御樓禮畢却迴赴關書口

題云奉宣差入內內侍省內侍高品段微明往慶成  
軍太寧宮太寧廟開啓道場慶成軍卽河中府榮河  
縣以大中祥符中陞爲軍太寧宮卽后土祠禮志曰  
大中祥符四年改奉祇曰太寧宮石刻宮名泐一字

知爲太字

關中金  
石記

按真宗紀乾興元年二月甲寅帝不豫增劇禱于  
山川神祇是月庚子朔甲寅正十五日也段微明  
奉宣當是因不豫而致禱者

范雍華嶽題名

石高一尺一寸廣四寸五分  
四行行九字十字不等正書



陝西轉運使尚書兵部員外郎賜紫金魚袋范雍軋  
王戌歲四月七日 恭謁 嶽祠

題云陝西轉運使尚書兵部員外郎賜紫金魚袋以  
傳致之當由京東轉運副使歷河北轉運使及陝西  
也史不及兵部員外郎是其缺略 關中金  
石記

按宋史傳叙范雍歷官不詳號年東都事略則云  
天禧中為京東河北轉運使徙京西路入為三司  
戶部副使擢龍圖閣待制陝西都轉運使召還又  
以為安撫使其轉運陝西不詳何年計自天禧中  
至此閏三四年約畧與此題名合其官兵部員外

郎則東都事畧亦失書又詳檢史傳雍之官陝西  
前後凡三次其初轉運在京東河北之後其次為  
都轉運在入為三司度支之後其後安撫環慶  
勾當三班院之後此題名乃在初次轉運時殆東  
都事畧失書也

上官冲等題名 在周約題名之左四行  
字数不等左行正書

乾興元年五月初六日三班奉職上官冲暨進士周慎

從躬謁 口祠

范雍再謁祠題名 石高一尺一寸廣五寸五分四  
行行十字十三字不等正書

雍去年題名在 後



今歲自三司度支副使遷此官復爲本路轉運使再謁  
靈祠天聖癸亥九月十四日

題云今歲自三司度支副使遷此官復爲本路轉運  
使以傳合之蓋由陝西轉運使入爲三司戶部副使  
又徙度支以尙書工部郎中爲龍圖閣待制陝西都  
轉運使耳

關中金  
石記

按此卽范雍第二次赴官陝西所題史傳及東都  
事畧皆作都轉運使題名無都字癸亥是天聖元  
年

劉巨川題名

在張承構題名之下共  
四行行十三字正書

中散大夫尙書虞部郎中劉巨川近自口南郡首授代

歸闕經由靈宇恭謁聖容時大宋天聖三年四月

十口口

宋漢臣題名

石橫廣一尺三寸高一尺一寸  
十一行行十二字左行正書

壬戌歲乙巳月庚子朔辛亥日漢臣自永興軍知鄠縣

奉敕就移州判嘉州專禱靈祠西去赴任太子中

舍口臣進士口口口口同行從口甲子歲丁口月解罷至

乙口歲戊口月赴關當歲壬午月壬午朔丁酉日奉

敕同判華州於乙酉月庚戌朔辛亥日祭禱靈嶽殿

中丞宋漢臣題



文稱壬戌歲乙巳月又稱甲子歲丁丑月又稱乙丑  
歲戊寅月又稱當歲壬午月乙酉月壬戌當是乾興  
元年甲子爲天聖二年乙丑則三年也攷文安公牡  
丹詩爲漢臣所刻是漢臣其時人

關中金  
石記

按此題年月日皆用干支而不言數今以遼史朔

考考之壬戌是真宗乾興元年乙巳爲四月辛亥

是十二日也甲子爲仁宗天聖二年丁口月者二

月建丁卯也

關中金石記  
誤云丁丑

乙口歲戊口月者天聖

三年乙丑正月建戊寅也壬午月壬午朔丁酉日

者五月十六日也乙酉月庚戌朔辛亥日者八月

二日也謂天聖二年二月解罷三年正月赴關五

月同判華州八月祭禱靈嶽也宋漢臣無傳

杜詵等題名

石橫廣二尺五分高一尺一寸六  
行行五字六字不等左行正書

奉禮郎杜詵光祿主簿蘇舜欽將作主簿司馮旦京地

掌書記趙訥京地戶曹張復太廟

下缺

按題名五人無年月可系五人中惟蘇舜欽有傳

舜欽字子美易簡孫初以父任補太廟齋郎調滎

陽縣尉玉清昭應宮災詣登聞鼓院上疏尋舉進

士改光祿寺主簿玉清昭應宮災乃天聖七年六

月事姑以此題附天聖後



陳執中題名 題名刻在韓賞告華嶽碑下截右旁共三行行十八字正書

陳執中自天章閣待制口龍圖閣直學士知永興軍

府景祐四年太歲丁丑十月五日齋謁

嶽帝之祠謹誌

執中宋人所謚為榮靈者乃其書則不俗也其碑之

前右方下又有元豐乙丑王子文題名 金石文字記

宋史本傳執中字昭譽明道中安撫京東進天章閣

待制使還知應天府徙江寧府再遷工部郎中改龍

圖閣直學士知永興軍案此所云與史傳合 關中金

題名殘石 石橫廣一尺三寸高五寸五分五行行四字左行正書

口仲孺 口謁 金天帝祠 口元二年三月

又

進士鄭搏

按紀號元字泐上一字當是寶元

王堯臣藍元用等題名 石橫廣一尺高九寸九行行九字左行正書

翰林學士龍圖閣學士睢陽王堯口口死使英州團練

使內侍副都知大梁藍元用被 詔綏撫涇原慶慶王

年仲冬五日恭謁 金天帝祠

翰林王口經畫西事國子監口口口殿直藍有方

侍



題云被詔綏撫涇原又云經畫西事以史攷之卽王堯臣也堯臣以翰林學士知審官院陝西用兵爲體量安撫使韓琦徙秦州范仲淹徙耀州堯臣言二人不當置之散地又薦种世衡狄青有將帥才慶歷二年九月趙元昊自鎮戎軍原州入寇乘勝掠平涼關中震恐仁宗思其言復以琦仲淹爲招討使使堯臣再撫涇原其所論沿邊城砦設險阨要賊徑通屬及備禦輕重之策動關利害故史節載其文以仁宗本紀攷之是年十月甲寅有遣使安撫涇原路之文而不署姓氏夫堯臣能識韓范於旣敗之後舉种狄於

未用之先所見已爲卓然又經略西兵朝廷多從其計至以疏請諸事付之各鎮用取爲法是堯臣之出爲當時重有關係之人本紀反略之宋史之採摭失

當於此可見

關中金石記

葉清臣等題名

在程琳題名石幢第五六兩面各三行行二十字

翰林侍讀學士尙書戶部郎中知永興軍府事本路安撫使兵馬都部署吳興郡侯葉清臣慶曆丁亥秋赴官便道恭款  
神祠明年四月蒙  
恩召還再經

字下于時通判永興軍府劉紀駐泊都監王仲平管勾機宜韓鐸知涇陽縣施邈同州觀察推官李孚佑從行



按宋史傳清臣字道卿蘇州長洲人天聖二年進士累擢起居舍人龍圖閣學士權三司使公事出知江寧府踰年入翰林爲學士父憂服除宰相陳執中素不悅之卽除翰林侍讀學士知邠州改澶州進尙書戶部郎中知青州徙知永興軍浚三白渠溉田踰六千頃會河決商湖北道艱食復以爲翰林學士權三司使此題慶歷丁亥秋赴官欵祠明年四月蒙恩召還再經字下則此題在慶歷八年戊子陳執中入相始于慶歷五年至皇祐元年八月罷是慶歷七八兩年正執中當國之時也赴

官在七年之秋召還在八年之夏其官永興僅踰半年而浚渠溉田有惠于民如此史傳未嘗晰載年月不觀此題不知其勤民之敏也因表出之

王榮題名二題名俱在唐李貽孫題名之右各一行字數不等正書

廟令王榮慶歷七年八月十四日題

進士張孔孫謁

施昌言題記石連額座高一尺六寸廣九寸五行行八字隸書

慶曆七年秋脩

西嶽祠成十月十式日天章閣待制知華州事施昌言

恭伸謁祀



按陝西通志不載是年修廟事昌言字正臣通州  
靜海人傳稱其由三司度支副使陞天章閣待制  
河北轉運副使降知華州

田況題名 在程遵路題名之下四行行  
七字九字不詳左行正書

慶寧丁亥仲冬望口樞密直學士田況被

命赴涇原與弟浹同謁

按宋史傳田況字元均趙充吳反夏竦經畧陝西  
辟為判官言治邊十四事累官陝西宣撫副使東  
都事略載其除龍圖閣直學士知成德軍徙秦州  
進樞密直學士知渭州

謁岳廟題名 在田況題名之左五行行  
八字九字不詳左行正書

慶寧丁亥仲冬口口口口工部郎中口口口口使口口

口口前隴州汧陽縣事口口謁靈祠

程琳謁嶽祠題名 幢長四尺二寸八面每面寬七寸  
五分題名刻前四面各三行行十

七字  
正書

推誠保德功臣宣徽北院使武昌軍節度鄂州管内觀  
察處置等使光祿大夫檢校太傅使持節都督鄂州諸  
軍事行鄂州刺史兼御史大夫充陝西路安撫使兼鄜  
延路經略使馬步軍都部署判延州軍州事管内勸農  
使上柱國安定郡開國公食邑三千九百戶食實封七



百戶程琳丁亥歲六月十三日塗次華陰恭記 嶽祠  
大理寺丞通判華州于待問大理寺丞簽署永興軍節  
度判官楊士彥前越州諸暨主簿陳傑廣文館進士留  
慶祖男太常寺太祝嗣隆嗣弼嗣恭姪男太常寺奉禮  
郎嗣直從行

按宋史琳字天球永寧軍博野人累遷工部尙書  
加大學士河北安撫使改武昌軍節度使知永興  
軍陝西安撫使以宣徽北院使判延州仍爲陝西  
安撫使所載與題名互有詳畧而無年月可攷題  
名云丁亥歲六月則慶歷七年也東都事畧云寶

元二年遷工部尙書加資政殿大學士河北安撫  
使拜武昌節度使知永興軍明年拜宣徽北院使  
判延州則當在康定元年與題名不合傳不書琳  
子此則有男嗣隆嗣弼嗣恭又有姪男嗣直可補

史缺

程琳再題名

在石幢第七八兩面各  
三行行二十字正書

程琳皇祐己丑三月十六日蒙 恩制除同中書門下

平章事三月十九日奉 勅就差判大名府兼留守司

事河北安撫使二十八日被 詔入 覲四月十八日

再經華陰恭謁 嶽祠太常博士蔡挺殿中丞楊士彥



男太常寺太祝嗣隆嗣弼嗣恭嗣先侍行

傳內有云太常博士蔡挺即工部尚書蔡敏肅公也字

子政史但載從王堯臣范仲淹兩次宣撫陝西不及

程琳并不及為太常博士俱是缺略

關中金石記

按程琳自慶歷七年丁亥六月安撫陝西途經華

州謁廟題名至是皇祐元年己丑四月移判大名

被召入覲復經華陰有此題名也同中書門下平

章事傳載而無年月其去兼置守司事河北安撫

使則史與東都事畧皆從畧蔡挺為蔡希言子其

從王堯臣范仲淹宣撫陝西皆在景祐及慶歷初

年傳不書其從程琳約畧在范仲淹之後也男嗣

隆嗣弼嗣恭已見前題而此又多一嗣先其前題

所有之姪男嗣直則此題不及

傅口題名

在汧國公題名之後六行字數不等正書

皇祐三年七月廿九日轉運使尚書兵部郎中傅口奉

詔歸闕恭謁靈口

李杞題名

在唐裴類題名之右四行七字八字不等正書

華州渭南縣主簿權華陰縣事李杞伏謁靈祠皇祐

辛卯仲冬初二日題

蘇軾有臘月遊孤山訪惠勤惠思二僧詩又有李杞



寺丞見和前篇復用元韻答之詩疑卽其人關中金石記

按李杞卽熙寧中經畫蜀茶者坡詩所謂茶爲西南

病岷俗記二李言杞與稷也宋史無傳而續通鑑長

編載其事甚詳馮應櫛蘇詩注

孫昌夏大維題名石高四寸五分廣四寸四行行五字六字不等正書

孫昌夏大維遍觀唐賢題名歲次庚子孟夏十六日

成麟題名題名上缺在王希備之左四行字數無攷左行正書

缺 璿 夏陽縣尉成麟

缺 前趙王府司馬梁巨

缺 軍阮易

缺 歲九月廿有二日記

張恭禮設醮題記在乳香記右側下截五行行十三字正書

嘉祐四年三月初五日入內內侍省內侍高品張恭禮

奉 聖旨於 西嶽口口口口口口七晝夜請道士

二七人罷散日設醮一座工百四十分位謹刊石記之

程遵路題名在唐汧國公題名之後十行行二字左行隸書

試校書郎程遵路恭謁祠下嘉祐七年三月十四日

入內侍省口口設醮題記在乳香記左側下截十一行行七字八字不等正書

入內內侍省此下五行磨泐字數莫辨約四十餘字

夜各請道士一十四人治平二年正月十二日命同壇



道士口口觀主雷口口題刻

史炤題名

石橫廣七寸五分高五寸餘上已殘缺五行每行約七字正書

缺少卿史炤自口州路轉運使奉口還朝恭謁口

下治平三年十月廿三日題

閻詢題名

在華岳頌碑後蔡延慶題名之下一行二十四字正書

諫議大夫閻詢還朝恭謁金天帝戊申重陽日二

子籍簡侍行

宋史詢傳詢知商州神宗初轉右諫議大夫改邠回

二州提舉上清太平宮使此詢自署諫議大夫是從

商州還朝道經於此留題耳

關中金石記

按戊申是神宗熙寧元年

楊遂題名

在華岳頌碑右一行三十二字正書

宋馬軍都使容州觀察使新環慶副都總管楊遂熙寧

庚戌七月廿七日恭謁靈嶽

題云宋馬軍都使容州觀察使新環慶副都總管楊

遂宋史本傳遂作燧云開封人累遷榮州團練使京

城左箱巡檢英宗即位以為鄧州防禦使步軍都虞

候歷環慶涇原鄜延二路副都總管至馬軍副都指

揮使由容州觀察使拜寧遠軍節度殿前副都指揮

使卒諡莊敏地理志容州屬廣南路

關中金石記



按據傳所載楊燧歷官與題名雖合但俱在英宗即位以後此題熙寧庚戌為神宗即位之三年又傳載官容州在環慶之後與題名小異

陳繹等題名 在華岳頌碑第十一行人神晉悅字之下二行行三十七字四十四字不等行書

宋熙寧二年九月字彰化十一月移本路轉運副使制置解鹽使明年十一月移京東轉運使十二月三日過華陰河南陳繹題應體用科彥古進士彥恭彥成侍行馮翊保芝二解元盧定趙豫同謁于 金天祠下

案宋史本傳繹字和叔開封人神宗立為陝西轉運

副使入直舍人院修起居注知制誥拜翰林學士以

侍講學士知鄧州史不及為京東轉運使者缺也 闕中

金石記

按此是由陝西移京東途經華陰而有此題也子

三人彥古彥恭彥成傳稱繹不能肅閨門子與婦

口齊一夕俱殞于卒伍之手不知其第幾子也體用科

呂師才識兼茂明於體用科乃制舉六科之一景德

二年及仁宗初俱增置詳見宋史選舉志

劉忱題名 在華岳頌碑楊遂題名之下四行行十二字左行年號一行在前並正書

提點刑獄尚書職方郎中劉忱之任蒲中躬謁 祠下



男唐工唐老唐純唐傑唐詢侍行

熙寧辛亥孟夏二十日

忱卽議遣河東疆界者見宋史神宗本紀關中金石記

呂黃題名在李濟題名之右五行字數不等左行正書

口郡呂黃自京師口長安過謁口口男大忠大鈞大臨

大觀侍熙寧四年五月五日

題內有大忠大鈞大臨大觀名范育呂大鈞墓表云

考黃比部郎中贈左諫議大夫六子五子相繼登科

知名當世其季賢而早死君其第三子也攷宋史呂

大防傳云兄大忠弟大鈞故大鈞爲弟三子文云黃

自京師口長安當是自京師至延安時大防知延州

黃至其任所也關中金石記

按呂黃史附大防傳大防父黃官比部郎中家于

藍田范育撰大鈞墓表則云考黃贈左諫議大夫

宋史大鈞傳又云知三原縣請代黃入蜀移巴西

縣黃致仕大鈞亦移疾不行不知黃又任蜀中何

官黃有六子其季早死則存者五子而史列傳者

四子惟大觀無傳長大忠字進伯次大防字微仲

三大鈞字和叔四大臨字與叔當大防知延州時

此四子想皆未入仕也史稱大忠大防大臨同居



切磋論道考禮大鈞從橫渠學大臨受學伊川之

門

張孝孫題名 在邱據題名之右一行年號小字書于行下正書

張孝孫恭謁 靈祠 熙寧辛亥中元日題

按辛亥為熙寧四年

林顏題名 石殘缺僅高七寸廣三寸五分二行字數無考正書

缺 林顏恭謁 熙寧辛亥中冬八日

陳絢題名 在唐李贛題名之左二行字數不等左行正書

解梁陳絢河東薛昌朝 缺 辛亥十月同過 祠下

蔡延慶題名 在華岳顏碑後紀元之上二行字數不等正書

治平丁未領奉路提點刑獄謁 祠下後六年蒙恩

除天章閣待制秦鳳等路都轉運使過 祠下恭謁

金天帝宋熙寧六年癸丑正月二十九日東萊蔡延慶

仲遠題

按題稱東萊蔡延慶宋史蔡齊傳齊字子思其先

洛陽人曾祖綰為萊州膠水令因家焉齊無子以

從子延慶為嗣延慶字仲遠中進士第通判明州

歷福建路轉運判官提點京東陝西刑獄此題云

治平丁未蓋英宗治平四年事也傳又云神宗初

以集賢校理累直舍人院判流內銓拜天章閣待



制秦鳳等路都轉運使卽此題所載熙寧六年事也

劉航等題名在華岳頌碑首行之全一行三十四字

河南監牧使劉航仲通提舉牧羊公事丘舜中聖徒同謁祠下熙寧癸丑仲秋十七日題

按癸丑爲熙寧六年

呂公等題名在石幢程琳已丑題名第二面上二行字數不等左行行書

紫微呂公祈雪汶上盧訥洛陽程旨樊川王讜從熙寧癸丑仲冬十九日讜題

宋史神宗本紀熙寧六年十一月丙寅大雪案是歲

八月壬申朔此云仲冬十九日祈雪當猶在丙寅

前也關中金石記

按首題云紫微呂公而不署名趙希弁讀書志載

東萊呂紫微雜說一卷爲呂本中居仁之說本中

當官中書人故稱曰紫微據此則此題紫微呂公

嘗爲呂本中檢宋史呂本中傳本中係公著之曾

孫好問之子紹興六年召赴行在特賜進士出身

擢起居舍人兼權中書舍人則此題之非本中明

矣宋史神宗紀熙寧五年二月丙寅以知鄭州呂

公弼爲宣猷南院使判秦州或卽其人癸丑爲熙



寧六年据遼史朔考是年十一月庚子朔丙寅爲  
廿七日當是十九日祈雪而廿七日大雪也秦中  
祈雪于前而京師紀大雪於後由京西至秦中  
路降雪當不懸殊也

陳紘題名

在華岳頌碑爲之頌日之下二行  
衍十八字二十二字不等正書

熙寧七年三月二十二日尙書職方員外郎陳紘自秦  
倅移開封令恭謁 金天祠下亥默彥淵彥正侍行

按陳紘史無傳亦不見他書其子三人皆用彥字  
爲名與陳繹同似紘與繹同弟兄行也餘無可考

益恭益昌等題名

石前缺橫廣一尺二寸高八  
寸約七行行十二字正書

缺七年二月二十三日自知永興軍府事奉

詔乘傳歸 闕將長子太子中舍益恭次子左侍禁益

昌長孫太常寺奉口郎慎言祇謁 靈宇題名舊石

李侃祈雨題名

在華岳頌碑陳繹題  
名之下一行十一字

李侃奉 敕祈雨甲寅三月晦

崔黼題名

石殘缺存高六寸廣二寸餘  
二行字數不等左行正書

崔黼

恭謁

祠下

辛酉  
重九

李道昌同至

郝隨題名

在景德口仲卿題名之  
後三行行六字正書

中侍郝隨子

因被



宸旨道場到此

張林卿題名在華岳頌碑蔡延慶題名之上五行字數不等正書

張升卿被命之利路恭謁

祠下男試祕書省校書郎康伯侍行熙寧十年二月十

九日題

吳中復題名在景德口仲卿題名第五六行之下四行行四字左行隸書

吳中復罷京地謁

祠下男口奉禮則缺

俞次臯等題名在華岳頌碑陳紘之下二行行十七八字不等左行行書

元豐元年十月十三日侍親出帥華池與友人鮮于溱

宋彰恭謁祠下鄞江俞次臯謹題

題云出帥華池者知慶州也華池以熙寧四年改名

合水此存舊稱關中金石記

按俞次臯無攷題云侍親出帥華池而自書其贊

為鄞江据宋史俞充傳云俞充字公達明州鄞人

熙寧中累遷成都路轉運使後擢天章閣待制知

慶州則次臯即充之子也

謁嶽廟殘題

石殘缺僅存四行行七字八字不等左行正書

元豐戊午口月二十七日再謁

嶽祠時自本路移河北与雲臺武子口同來孫迴孫



按關中金石記作孫迴謁祠記戊午爲元豐元年

薛昌朝等題名 石高六寸廣四寸四行行五字左行正書

薛昌朝昌年昌諤范師軻同謁祠下元豐戊午仲冬

廿九日

蔡延慶再題名 在華岳頌碑楊遂題名之後一行二十九字正書

元豐己未夏日龍圖閣直學士涇原路經略使赴

謁祠下蔡延慶仲遠題

云自龍圖閣直學士涇原路經略使赴名者本傳延

慶以應辦熙河軍須功進龍圖閣直學士王詒入朝

攝熙帥不及爲涇原經略使者略也 關中金石記

按己未爲元豐二年

王希倩題名 在陳紉題名之左三行字數不等左行正書

判官王希倩 蔣之奇元豐己未六月四日

按此題但云判官而不詳其地似屬上下尚有磨

泐之文王希倩無考蔣之奇傳稱字穎叔常州宜

興人神宗朝新法行爲福建轉運判官遷淮東轉

運副使歷江西河北陝西副使在陝西經賦入以

給用度邊粟皆支二年移淮南擢江淮荆浙發運

副使元豐六年漕粟至京比常歲溢六百二十萬

石錫服三品可知元豐六年以前正之奇官陝西



之時而官為副使並非判官可知判官自屬王希  
倩而蔣之奇當別有官名已磨泐也

劉陶題名 在昭應碑崔頴題名之下  
二行字數不等左行正書

通直郎劉陶恭謁 祠下元豐五年正月十九日

趙諒題名 在龐奎築壇記第七行下  
空處三行字數不等正書

元豐五年孟秋月被

命華山雲臺觀謹於

祠下朝拜文思副使趙諒記押

諒自署為文思副使者武階也有文思使又有副使  
東染院使應轉洛苑使有戰功得轉文思使東染院

副使應轉洛院副使有戰功得轉文思副使其叙遷

之例如是 關中金  
石記

按雲臺觀在華陰縣華山下陝西通志云後周武

帝時有道士焦廣獨居雲臺峯辟粒餐霞常有三

青鳥報未然之事武帝親詣山庭臨軒問道因於

谷口置雲臺觀唐宋之亂希夷先生實修是觀而

隱居焉又宋史禮志真宗神御殿十有四一曰華

州雲臺觀集真殿此題祠下朝拜必是趙諒奉命

奠獻神御殿也未有押字掬見此題

薛紹彭題名 在司空圖發詩之左  
三行字數不等正書



樂安薛紹彭

日沙口勃 元豐六年六月十六日

王顥等題名

在唐劉士深題名之下八行行四字五字不等正書

缺口王顥張彥世自東都來恭拜 祠下雲臺楊宗誨

巨靈張宗慶同至元豐六年九月十七日

陳康民等題名

石高八寸廣五寸五行行九字正書

口口陳康民大中雒陽口口時伯唐安王可道通之同

謁款 嶽祠元豐七年歲次甲子八月初二日謹題

王子文設醮題記

在述聖頌標題之下三行字數不等正書

元豐乙丑歲戊寅月被 旨設醮于 嶽祠癸丑恭薦

齋誠王子告畢奉議郎知華州軍州事王子文謹記男

知章侍次

按此題所紀干支有舛誤者乙丑為元豐八年戊

寅則正月也是月丙申朔宋史神宗紀正月戊戌

帝不豫則三日也乙巳命輔臣代禱景靈宮乙卯

分遣羣臣禱于天地宗廟社稷而不言禱于嶽瀆

此題知華州王子文設醮嶽祠則是守土之官被

旨禱祀而史畧之也癸丑在王子之後此題先癸

丑而後王子其誤顯然王子為十七日癸丑為十

八日設醮之期或三晝夜而畢或七日而畢從無



兩日而畢者禱景靈宮在乙巳爲正月十日設醮  
之旨或卽降于是日數日而華州得旨行事則癸  
丑當不誤壬子誤也

薛休題名 在昭應碑下截唐蘇敦題名之右四  
行行十一字至十四五字不等正書

中大夫致仕蒲津薛休恭奠 西嶽金天帝元祐元年

十一月十日記

男宣德郎知華陰縣事無兵馬監押昌道孫太廟齋

郎錚鈞鎬鉞鉞鐸偕侍

張舜民題名 在唐口庚題名之左  
四行字數不等行書

元祐二年自甯還幽往來皆拜 嶽祠張舜民芸叟記

石闕携口

後八年歲乙亥自關東再過

按史傳舜民字芸叟邠州人中進士第爲襄樂令

元豐中在靈武作詩坐謫監郴州酒稅赦還司馬

光薦其才氣秀異剛直敢言以館閣校勘爲監察

御史左遷通判虢州提點秦鳳刑獄召拜殿中侍

御史固辭改金部員外郎以此題證之自號還幽

者通判虢州時還邠州之鄉也司馬光之薦當在

元祐元年至二年則已左遷後八年歲乙亥爲紹

聖二年其時當是召拜還京也舜民又自號浮休



金石錄卷之二十一  
居士書史會要稱其擅豪翰其蹟雜見羣玉堂法帖中則此題完善僅泐一字宜亦可貴矣

游師雄題名

石高七寸餘廣四寸四分行行五字左行正書

游師雄奉使關中祭禱祠下元祐三年正月九日

按史傳師雄字景叔京兆武功人學于張載第進士爲儀州司戶叅軍遷德順軍判官元祐初爲宗正寺主簿執政將棄四砦訪于師雄以爲不可棄因著分疆錄遣軍器監丞鬼章構夏人爲亂使師雄與邊臣措置擒鬼章遷一官爲陝西轉運判官提點秦鳳路刑獄叅攷宋史神宗紀及夏國傳棄

四砦

葭蘆米脂浮圖安疆

是元祐四年六月事鬼章爲亂是

熙寧元年事皆與傳有錯互此題元祐三年正月奉使關中不能詳其爲何事也師雄家于京兆關中形勝故實皆所熟閑嘗繪唐太宗昭陵圖題記于後今附刻長安志以傳其所著分疆錄則未見也

祐晟祀嶽廟題記

石高一尺一寸廣六寸五行行十四十二字不等正書

得時閑士祐晟往涇原路看安撫李 供備三口至

聖帝口虔誠焚香燒紙保扶生平如意時己巳孟夏二十三日巳時記之俟再來 祐晟



按祐晟不著姓己巳又不知何年自號得時閑士  
以題石不多見也下有燒紙保扶等字俗語已具  
於此時

劉承構題名殘石 石高二尺一寸廣六寸三行行六字正書

朝議郎前大理寺丞劉承構爰口謁廟口口題

杜純題名 石橫廣一尺四寸高一尺五分四行行九字十一字不等正書

轉運使濮陽杜純挈家恭謁 祠下元祐戊辰閏月初

十日男開奉 命書

題云轉運使濮陽杜純本傳云元祐元年范純仁韓  
維王存孫永交薦之除河北轉運判官歷徙陝西轉

運使 關中金石記

按戊辰是元祐三年閏月者閏十二月也

陳知新題名 在唐李貽孫題名之右三行字數不等左行正書

右朝請郎權知華州軍州兼管內勸農事護軍借紫陳  
知新以時雨久愆禱祭 祠下元祐辛未秋七月十日

男東侍行

按陳知新史無傳辛未為元祐六年是年夏旱禱

雨宋史本紀及陝西通志祥異門俱不書

呂至山等題名 在景德口仲卿題名之右五行字數不等左行正書

呂至山朝謁



男試校書郎康成

外甥進士唐受侍行康成題

案呂至山有草堂寺題名在建中靖國元年故列

此

口澤仁題名

在景德仲卿題名之右四行行四字左行年號右行在末行之下隸書

口澤仁被旨

赴闕率馬

敦古謁祠下崇寧四季五月廿

八日

王叙題名

石高一尺一寸廣六寸六行行五字左行正書

崇寧乙酉口被召還

闕恭拜

祠下提舉口口軍等

路常口口事王叙

按乙酉為崇寧四年

席旦題名

石週圍殘缺存高九寸廣七寸三行字數無攷正書

缺閣直學士席旦

缺侍郎守成都恭大觀元年

李傅題名

在石幢程琳丁亥題名第四面上三行字數不等正書

朝奉郎新差知耀州李傅專心致齋恭詣帝祠供養

大觀四年十月二十一日

席旦再題名

在昭應碑第六行將空于成歲句之下行二十九字正書

顯謨閣直學士席旦政和王辰再守成都恭謁祠下

二月二十三日奎益從



按史傳曰字晉仲河南人七歲能詩元豐中舉進士徽宗召對累擢顯謨閣直學士知成都府徙鄭州入見坐進對淹留黜知滁州久之帝思其治蜀功復知成都以前後兩題名證之前題爲大觀元年是初守成都時此爲政和七年壬辰歲題乃再守成都時也子二奎益傳但云益字大光紹興初參知政事傳稱曰能詩而各詩選本皆無其名殆久佚矣

蘇莊等題名

在程琳石幢額上共六面面各四字正書

口和乙未仲冬己巳提點刑獄蘇莊提舉茶事王干恭

謁祠下

按乙未爲政和五年十一月丙寅朔己巳則四日也王干官提舉茶事宋史食貨志元豐元年置都大提舉茶場官置同提舉官徙司秦州大觀元年改名提舉茶事司尋命茶場茶事通爲一司題名不言司字省文也

梁激題名

在石幢梁清臣題名第一面上三行字數不等左行正書

交印東還恭謁

金天帝祠下宣和辛丑重九二日朝

請大夫前知華州東平梁口

按辛丑爲宣和三年



王正叔題名 在沂國公題名之後二行行四字左行正書

正叔輔之同遊于宅

按正叔王正叔也宣和時人慈恩草堂俱有題名又按華嶽題名陝西畢巡撫沅修華嶽廟訖工取篆隸正行殘石之字悉陷置廡壁不下數百枚今擇其有人地官職稍可辨者撮錄之凡宋人題名今存八十六段

金石萃編卷一百二十八終

金石萃編卷一百二十九

賜進士出身 誥授光祿大夫刑部右侍郎加七級王昶謨  
宋七

重刊旌儒廟碑

碑高大尺四寸廣三尺八寸二十七行行四十八字正書篆額在臨潼縣學

大宋重刊有唐旌儒廟碑 并序

兵部侍郎賈至撰

都官郎中徐珽書

觀象考靈本乎靈辯方正位稽乎極體靈御極生乎教教之大莫大於儒旌儒有祠我新典也昔秦滅義軒之



制廢唐虞之則大搜學徒竭索儒黨懷書捧檄鱗集麇  
至然後罪九流之異論尤百氏之殊術無辜殺身有道  
併命冤骸積於坑谷流血滲於泉壤蹈仁義而死者不  
可勝紀開元末 天子在驪山之宮登集靈之臺考  
圖驗地周覽原隰見鄉名坑儒頽壘猶在慨然感亡秦  
之敗德哀先儒之道喪疆死千載遊魂無依乃 詔  
有司是作新廟牲幣有數以時饗祀因祠命鄉號曰旌  
儒人神和悅怨氣消散於戲秦皇帝以神盞邁古并吞  
六合掃天下以一篲翦羣雄如衆草建宮罷侯大權在  
己自軒轅已降平一宇宙未有若此之盞也夫戡亂以  
盞守盞以文文以正崇盞以權勝秦皇知權之可以取  
不知正之可以守向使天下既定守正崇儒遵六經之  
謨訓用三代之文質則黃軒盛美湯武宏業之不若也  
觀坑焚之意乃欲蓋先王能事竊作者鴻名黜衆耳以  
前聞逞私慾於當代此儒之所忌秦之所志悲夫儒以  
恭儉爲宗秦則疲弊生人極力宮室儒以道德柔遠秦  
則竭耗中國勞師四夷儒以宥過議賢秦則刻法峭刑  
賊虐諫輔儒以述先好古秦則師心徇智播弃墳典夫  
如是則秦不得不滅儒不得不坑事使然也 今

天子矯覆車之前軌崇明祀於後葉秦之所廢我之所



興斯區夏無疆之休子孫萬代之福也昔武王封比干墓則招諫之道勸矣晉文表綿上田則志過之名立矣漢高護信陵冢則尊義之風著矣未若激揚大教廟食衆賢土以興天地之經次以存顛覆之鑒下以絕厲災之胥建一祀而三德具焉鯁臣不敏敢作頌曰  
於維先王設教崇儒乃作六經爲代典莫降及夫子三千其徒再揚清風文任茲乎天墮斯文道有通塞寔生暴秦反道敗德竊善攘美師心徇惑焚書坑儒萬古悽惻牢落千祀微茫九原驪山之北坎炤猶存草樹無顏愁雲晝昏時聞夜哭知有冤魂  
帝在華清登高訪

古憫默頽溼悲涼榛莽上感凶秦覆車遺堊下哀羣愆饗祀無主爰降  
嘉詔聿修清祠饋之牲牢奠醑以時  
幽幽廟門肅肅靈儀冥冥求食長無餒而粵自漢初迄于隨閏亦有令主尊儒尙訓闕典罔崇斯文莫振昭昭神理長懷幽憤  
我后濬哲聰明文思敷宏大教咸秩神祇鬼無妖災人不癘疵俾爾蒼生福壽無期小臣作頌敢繼刪詩

聖宋三葉皇帝統位之十二年  
至德動天祥符薦降遂修大禮於喬嶽告厥成功綽自三泉尉奉職貢以及明年春  
恩除知宰是邑不數月以政簡民泰



遊訪郊野去縣西南三里曰令公谷谷口崖壑深邃  
臨之惴惴然乃秦坑儒之所也頽垣圯基髣髴廟口  
乃唐旌儒之廟也豐碑薶剝文字殘缺卽兵部賈公  
之詞也讀其文十無三四矣自唐室蹙亂迫踰百祀  
豐潔之饗寂寥無聞因嗟先儒之塗炭痛斯文之將  
墜不有更制必將泯絕旌顯之詞旣滅幽坑之憤復  
興遂命磨礱重新書刻庶以副

聖君考古旌

善之道也止欲立於舊址則弗免樵童牧豎之所斲  
毀風雨塵薶之所夷剝乃遷于邑中 宣聖廟從經  
久也冀遊覽者不勞於命駕博識者坐究其始終旌

儒之德坑儒之暴善惡之跡不假復書但叙其移碑  
之歲月爾時大中祥符三年太歲庚戌五月十五日  
將仕郎試秘書省校書郎知京兆府昭應縣事張綽  
記并重書篆額

將仕郎守昭應縣尉兼主簿事左惟永

鄉貢進士王口口建立

陝府西路諸州軍提點刑獄公事朝奉郎尚書都官  
員外郎上輕車都尉賜緋魚袋李口口

陝府西路諸州軍同提點刑獄公事東頭供奉官內

閣門口口郭盛



陝府西諸州水陸計度轉運使兼本路勸農使朝散大夫行尚書司封員外郎上騎都尉賜紫金魚袋薛顏

陝府西諸州水陸計度轉運使兼本路勸農使朝請大夫行尚書七田員外郎輕車都尉賜紫金魚袋李士龍

觀察支使宣德郎試大理評事兼監察御史范吳節度推官承奉郎試大理評事楊舒

朝散大夫守尚書工部侍郎兼永興軍府兼管內勸農使同管勾駐泊兵馬事兼提轄乾耀商華坊丹同等州巡檢捉賊事輕車都尉清河縣開國伯食邑九百戶賜紫金魚袋張秉

朝奉郎尚書七田員外郎通判永興軍府兼管內勸農口口事上騎都尉賜緋魚袋并宗閔  
觀察推官將仕郎試秘書省校書郎姚拱

河中丞有方鏐

關西道雍州昭應縣坑儒谷在縣東南五里始皇以驪山溫處令人冬月種瓜招天下儒者議之各說不同因發機陷之唐元宗改爲旌儒鄉立旌儒廟賈至

爲碑文

太平寰宇記



右碑賈至撰廟在臨潼縣西南二十里驪山半原橫  
 阮村舊名阮儒鄉引漢書注顏師古曰新豐縣溫湯  
 之處號愍儒鄉西南二里有馬谷谷之西岍有阮相  
 傳為秦阮儒處衛宏詔定古文官書序云秦既焚書  
 患苦天下不從所改更之法將諸生到者拜為郎七  
 百人乃密令冬種瓜于驪山阮谷中溫處瓜實成詔  
 博士諸生說之人人不同乃命就視之為伏機諸生  
 方相難決發機從上填之此則愍儒之地也唐天寶  
 中改為旌儒鄉立旌儒廟按史記始皇三十五年因  
 盧生侯生亡去遂疑諸生在咸陽者為謾言以亂黔

首于是使御史悉案問諸生諸生傳相告引乃自除  
 犯禁者四百六十餘人皆阮之自除云者猶自守免  
 罪也則所阮者在四百六十餘人之外並無數目未

知衛宏所云種瓜冬實七百人決難有何据也金石錄補

文云天寶中改坑儒鄉為旌儒鄉冊府元龜云天寶

元年改麗山為會昌山仍于坑儒之處立祠以祀遭

難諸儒關中金石記

右重刊旌儒廟碑按唐書地理志昭應縣有旌儒鄉  
 有廟故坑儒明皇更名碑本唐兵部侍郎賈至撰都  
 官郎中徐珽書在昭應縣西南二里令公谷即秦坑



儒之所也大中祥符初知昭應縣事張綽以碑年久剝落重書勒石移置城中至聖廟并記其顛末于碑左方宋史地理志臨潼縣唐昭德大中祥符改此碑立于大中祥符三年五月縣名尙未改史以昭應爲昭德傳寫之訛爾碑末知永興軍府張秉結銜云同管勾駐泊兵馬公事兼提轄乾耀商華坊丹同等州巡檢捉賊公事與咸平二年劉知信結銜又異此皆史家所未詳也

潘研堂金石文跋尾

按碑立于大中祥符三年後列銜名十人以史傳攷之薛顏字彥回河中萬泉人累擢三司鹽鐵判

官丁謂薦代爲峽路轉運使遷尙書虞部員外郎陳進反勾當廣南東西路轉運司事賊平遷金部員外郎改河東轉運使祀汾陰徙陝西是其官員外是金部非司封官陝西在四年非三年與碑不同張秉字孟節歙州新安人景德初累拜工部侍郎出知永興軍府祀汾陰爲東京畱守判官其知永興在四年祀汾陰以前與碑合餘俱無攷鑿者河中遂有方風俗通遂秦邑其大夫封于遂因氏焉前漢蒙鄉侯遂普王莽大司馬遂並後趙遂明其見于元史者有修武人遂魯曾見于明史者有



鎮撫戰死之遂德山仁和人遂端柳城人遂中立  
安平人遂杲見于明詩綜者有遂昶遂希韓惟宋  
代不見于史籍因表出之

沂陽縣普濟禪院碑

碑高六尺七寸廣三尺七寸五分三十  
二行行五十五字行書篆額在沂陽縣

沂陽縣龍泉山普濟禪院碑銘

并序

宣德郎守尙書都官員外郎知隴州軍州兼管內勸  
農事上騎都尉賜緋魚袋借紫闕仲卿撰

京北府廣慈禪院文學沙門善隽習晉右將軍王羲  
之書并篆額

偉哉大雄氏之設教也始自周昭降乎西土終傳漢度  
乃遍中華羣生得悟於三乘萬化爰歸於一印超騰聖  
果變金地而有因指救迷塗周沙界於無際於是人寰  
之內梵刹傾依塵網之間法輪常轉上以助 皇  
王之異政下以鼓洪海之長瀾歷代承宗空門相望並  
著龜而取鑑酌善惡以歧分口無古以無今知有名而  
有統捫禪聚學莊嚴須輯於祇園行道司時翕習勤瞻  
於佛相普天之下真風摠持率土之濱清淨求本探龍  
宮而何極窮花藏以尤深齊日月以爭輝共乾坤而可  
久縱陵谷遷易難搖於四洲而風雨晦明常登於五位



闡揚解脫之理，尋除煩惱之根，億萬斯年，人天作會，圓  
通了義，瑞應彌彰，噫！非上士勤行之者，其孰能與於此  
乎！今汧陽縣龍泉山普濟禪院，起自唐武德中，創建迺  
後，因時而毀，鞠爲茂草，形勝基構，宛爾在焉。直至開平  
四年，豐德山僧鑿幽窟，此叅遊企，慕靈跡，曰：「跣足之地，  
賢聖擇之，化俗之方，資緣可已。」負荷插就巖谷之平  
口，是板是築，架臺殿，以浮光，脩竹叢林，乍迎春景，緇流  
枕唱，豈異仙居。同光二年，完葺未周，有天蓋山宏表禪  
師，惠然而來，移住於此。於廣順元年，奄化付門人進明，  
僅四十餘載，值顯德中，廢置建隆，內存畱泊，開寶元年，  
賜紫僧進詞，又繼明以居之，經營度財，弗遑寧息，重疊  
興替，益增感口。太平興國三年，方降勅，改爲普

濟禪院。今之院主僧定莊，克嗣其裔，懇志虔恪，續世五  
代，聯綿永昌，踰時百年，光景如昨，觀其峻宇高下，飛泉  
淺深，據汧隴之東陲，面寶鷄之南極，古木轉虬龍之狀，  
秋霞張綺繡之輝，金磬初聞，似傳聲於碧落，朱樓半出，  
疑接影於清涼，非凡喜踰於玉城，安衆靡殊於鷲嶺，晨  
昏動止，俱生十智之心，歲月香燈對守，八關之禁，前走  
長安之道，高連吳岳之雲，其口異也，可以攀七葉岳，其  
虛廣也，可以召千羅漢，凋楹刻桷，妙用神機，曲檻迴廊，



丹青絕筆比往之制度十倍其功當今之規模獨處其上若夫太華之陟屺樊川之花巖天台之國清中條之萬固皆幽奇貫絕車蓋罕到之處而或列於茲境者亦未許同日而論耳曾何必瓊瑤瑪瑙凝口於皆除琉璃旃檀累成於龕室然後以言其真淨福利也惟達識而能議之于以見主斯院者夙夜而不怠其事焉其定莊早厭煩籠堅持法口紹分流之派滋連菜之榮擔披糞掃之衣式報真如之願察其舉措諒足多焉至於蔬圃新畦松蘿舊塢彩繪塑像金碧盈堂道俗咸欽檀施餘積率從心匠匪曰天成是使戒聚之徒尋訪以如織吉祥之譽歡愜而動人仲卿景德四載冬罷守于鄭來牧隴右涉汧陽路次之北賞其山之鬱秀或對曰龍泉山院明年秋奉  
上旨給假西都遷祔乃紆步以登于是焉其塿塢雅致則精微萬態目不能捨任鋪舒而罔及也忽有定昭定暉率羣僧進言謂院之得額而實無碑情激再三不敢固請仲卿以其脫洒拔塵事狀可錄式因公餘含毫盡激理而撫實復爲銘曰

惟此南洲尊崇佛事傳由西土森羅漢寺現白毫相布黃金地代歷幾千法稱不二其天地覆載聖教攸先日月臨照梵刹相連禪宗有覺沙界無邊清淨之化聲色



之緣其二高懸慧日下燭重昏塵勞解網方便開門修持

之道布施之源體若夫子記諸善言其三庄嚴多般種種

供養瓊寶窮奢重重瞻仰其神自通其文弥廣鑒戒足

徵報應寧爽其四汧陽指東龍泉居北院宇隆盛嵐煙登

陟園林蔽空雲霞隱色基構口旋嘉名永得其五峨眉西

顧彩鳳東隣門臨四達勢接三秦風清銷署地暖涵春

顯茲勝槩貽之後人其六殿閣孤標工巧增飾中座耽耽

飛簷翼翼樹老飄紅潭腥湧黑安樂道場何往弗克其七

端齊鶴樹儼若蓮宮諸漏已盡空王大宗羨哉靈跡厥

揚真風一垂貞範將播無窮其八武威安文瑛刻字

大中祥符三年歲次庚子十一月丙子朔九日甲申

建院主僧定莊典座僧定昇修造主講金剛經

僧定昭維那僧定暘供養主持瑜珈大教僧定暉佛

殿主僧定真直歲僧定暘勾當僧定暉

左班殿直兵馬監押兼在城巡檢李濬

承奉郎守國子博士騎都尉賜緋魚袋監酒稅軒轅

範

朝散大夫行尚書職方員外郎知軍州兼管內勸農

事上輕車都尉口紫穆說

將仕郎試秘書省校書郎口汧源縣事權推官楊偕



將仕郎試秘書省校書郎守司法參軍權判官楊正用

內品宣德郎守內侍省內口伯武騎尉監酒稅梁延意

將仕郎守司理參軍王修已

將仕郎守司戶兼錄事參口鄭義方

將仕郎守汧陽縣尉王曦

將仕郎守汧陽縣主簿李守節

將仕郎守汧陽縣令張國寶

碑在汧陽于侍御永清始獲之亟稱賞以為不減聖

教余得一紙觀其書非惟不及聖教抑且不及隆闡

法師碑時代為之非書者責也書者為僧善雋署口

習晉右將軍王羲之書其年為大中祥符此時蘇黃

四家未出故書雖遜古猶有唐風石墨鐫華

廣慈禪院者即府城之香城寺也為晉天福時改名

古有集書無稱習書者習書應是依仿為之此碑筆

畫雖近却甚拙陋如闔字作門內陷右軍時必無此

體尤為無所據矣關中金石記

關中金石記云古有集書無稱習書者習書應是依

仿為之筆畫雖近却甚拙陋如闔字作門內陷右軍



時必無此體余案碑中譌字尙多如虔字似虔門右似冈迎字似邛獸字左冑右戈奢字从大範字从凡至冠絕作貫絕容可通用樊籠作煩籠殆不可通矣閻字內左作卩右作少下日似陷字而亦非也

抱經堂文

集

按陝西通志普濟禪院舊名龍泉寺在汧陽縣東十五里龍泉山龍泉一名隴泉有泉出山下故名此碑撰者閻仲卿史無傳閻之作闕宋人作字往往增偏傍以爲異文不必盡合六書集韻云閻或作壩旣可以加土卽可以加阜其例一也後列銜

名十一人以史傳攷之李潛附潘美傳李超之子字德淵冀州信都人然不言其官在城巡檢或別一人楊偕字次公坊州中都人少從种放學于終南山舉進士釋褐坊州軍事推官知汧源縣再調漢州軍事判官數上書論時政又上所著文論召試學士院不中改永興軍節度推官又上書論陝西邊事復召試不赴卽遷祕書省著作佐郎是其官祕書省在知汧源縣之後與碑不同李守節有傳乃周三臣李筠之子開寶中官和州團練使者非此人餘俱無攷



藍田縣文宣王廟記

碑高六尺四寸三分廣三尺五寸五分十六行行四十字隸書在藍田縣

藍田縣重修龔聖文宣王廟記

沃州僧嗣端書

居至尊之位立至聖之教者皆可以行帝王之道居位則澤及壹時身既歿而位且絕立教則化行萬古身雖歿而道愈尊自姬周歷有唐 聖宋稱古之居至尊行帝王之道者以唐虞夏商為稱首尊其号則曰堯舜禹湯故後之臣下有以文言達 君上必曰登堯邁舜而夫子立至聖之教行帝王之道千載之下歷有唐

聖宋王者幸闕里陳釋莫忘

萬乘之尊行

面之禮在唐崇號曰文宣於今增封曰龔聖如是則夫子之道可易量哉故再頒 明詔而自國至於郡自

郡至於邑與七十二子重煥睟容歷億萬斯年長享廟

食士君子由 先師之教居郡邑之長者得不盡心乎

藍田縣舊隸正畿古稱名邑俗飭詩書鄉富禮義何廟

貌頽弛多歷年所樓榭摧風雨服冕委塵泥口如在而

安仰歎何陋之茲甚人忘本根官孰完葺富春孫侯穆

之由榜口登進士第初官師古所至稱治去年自蘭臺

佐著作權宰是邑既視事之明日觀 先師堂室卑陋



愀然變容首出俸資始議必葺卽有齋郎白文政趙洙  
洎舉公士族子弟其一十九人昌言曰願費成其事家  
輸錢緡戶減儲蓄市杞梓之材逾月而山委購般王之  
匠匪朝而子來棟宇窮宏壯之妙繪素畢輪奐之功墾  
十哲侍坐於正殿之間畫象賢環立於兩序之下山龍  
華蟲灋服具舉籩豆盥盥祭器陳列不勞而成如嚮斯  
荅君子曰非孫侯至德移風俗至誠通神明何速成之  
若是也儲事孫侯爲同年長解印之暇枉道來覲命文  
紀實不敢勞讓昔大中祥符四年 皇帝紀汾陰  
之月壽進士董儲記

將仕郎苒守縣尉兼主簿張九錫 將仕郎守縣尉  
兼主簿張懷吉 將仕郎守秘書省著作佐郎知縣  
事孫穆之 進士姚慶 立

安璨刊字

孫穆之者宰是邑修孔廟而進士董儲記僧嗣端書  
董文靡弱殊無足採嗣端分隸則深得唐人法者后  
署大中祥符四年皇帝祀汾陰之月攷史爲二月是  
時契丹歲幣三十萬而水發徐交旱連江淮無爲烈  
風金陵大火帝方且侈天書之妖尋漢武唐元之蹟  
無怪其后世之不振也

石墨  
鐫華



按碑云富春孫侯穆之登進士第初官師古此語未詳

或謂其居官師法古人也所至稱治去年自蘭臺佐著作權宰

是邑觀先師堂宰卑陋首出俸資始議必葺云云

檢陝西通志既不載修廟之事於學校復不載其

政績於名宦又檢杭州府志選舉文苑循吏皆無

其人可見此碑從不傳於世宜据此以補兩志之

缺也書者沃洲僧嗣端石墨鐫華稱其分隸深得

唐法然棖桷之槩从襄作棖則誤矣命文紀實不

敢勞讓勞讓卽勞謙之意猶固讓也然唐碑有作

牢讓者

龍門銘

碑高九尺一寸廣五尺三寸十三行行二十五字正書在洛陽

口製御書并篆額

夫口而爲口口而爲谷設險阻於地理資口距於國都

足以表坤載之無疆示神州之大壯者也矧復洪源

南導高岸中分夏禹濬川初通關塞周成相宇肇建王

城風雨所交形勢斯在靈葩珍木接吟而揚芬盤石檻

泉奔流而激響寶塔千尺蒼崖萬筭祕等覺之真身刻

大雄之尊像豈獨勝遊之是屬故亦景貺之

潛符躬薦兩圭祀汾陰而祈民福言旋六轡臨熊



宅而觀土風既周覽於名區乃刊文於貞石銘曰

高闕巍峩 羣山迤邐 乃固王城 是通伊水

形勝居多 英靈萃止 螺髻徧摹 鴈塔高峙

奠玉河濱 回輿山趾 鳴蹕再臨 貞珉斯紀

大中祥符四年二月十一日

李燾通鑑長編云大中祥符四年二月辛酉具法駕

詣睢壇二月己卯車駕入西京今碑云躬薦兩圭祀

汾陰而祈民福言旋六轡臨雒宅而觀土風卽其事

也玉海云祥符四年三月癸未作游龍門詩有寶塔

一新輝勝槩玉毫口飾罄殊功之句又作龍門銘書

史會要稱真宗善書得晉人風度觀此碑欲出蔡襄

之上宋代未有過之者朱子評書云書學莫盛於唐

然人各以其所長自見而漢魏之楷法遂廢入本朝

來名勝相傳亦不過以唐人爲法至於黃米而欹傾

側媚狂怪怒張之勢極矣朱子之言如此子觀真宗

書乃無此弊當時見之得不懣然心服邪

中州金石記

按龍門銘又謂之伊闕銘金石攷云真宗御製伊

闕銘大中祥符四年卽謂此銘也此碑今尙可搨

泐者五字不知施誠撰河南府志金石卷內何以

注云佚也



老子度關銘并四子贊

碑高六尺四寸廣三尺八寸六分作五層首層度關圖二層銘二十六行行十三字隸書二層會真圖四層讚二十七行行八字正書額題四子會真之圖六字篆書下層跋二十八行行七字草書在盤屋縣

老子度關銘

夫聖達之心無適無莫神化之迹或閭或章儻遺烈之昭然即生民之仰止函谷關者

老君西昇之途

也若夫含真上惠闡教彊名屈臧室以栖真邁流沙而匿景仲尼問禮既吐於微言文始受經復占於真氣斯竝存之前載播厥方來若乃萬壽之季至神之道臻乎妙有豈易殫云踐崧之郊疏河之境僊馭所歷車轍如存揭曰關梁見嶠函之阻紀斯縣邑彰靈寶之休所謂人往而教存世殊而地久朕恭祠坤載因舉時巡淵默之風永懷於瞻望清靜之治靡捨於宗師將振清塵俾

栞翠響銘曰

教父潛真 神龍比德 方事神游 爰符默識 聖

言聿昭 生民為則 載望函關 永存軌蹟 靈鈔

無疆 清輝罔極 齋輅云經 貞珉迺刻

大中祥符四年帝祀 后土于汾陰駕至函谷關製

文勒石

大德庚子歲重刊于 衛祖說經之臺



四子讚

唐嵩嶽宗靈先生吳筠述

南華真人

南華原道宗靈遠故不測動與造化游靜合泰和息放曠生死外逍遙神明域況乃資九丹輕舉歸太極

沖虛真人

沖虛冥至理體道自然通不受子陽祿但飲壺丘宗冷然竟何依撓堯游太空未知風乘我為是我乘風

通靈真人

通靈貴陰德利物非市朝悠然大江上散髮揮輕撓已

陳緇帷說復表滄浪謠滅迹竟何從遺文獨昭昭

洞靈真人

亢倉致虛極潛迹依遠岫智去愚獨畱日虧歲方就鄉人謀尸祝不欲聞俎豆尚賢非至理堯舜口為陋

終南山古樓觀大宗聖宮立右

大道隱口口起

靈元降世著五千文垂清靜自

然之教為口口口雖易知易行而巧偽成性反若登天之難四子繼出發揮祖述其道始行由是言之四

子為靈元良弼歟故世稱四輔唐開元間大興靈學封四子真人號尊四子書為經且以南華光明碩



大擴充其教功若聖門之孟子位諸三子之上蓋朝  
典也經臺舊有吳尊師贊圖自經板蕩惟江表僅存  
今則璧返秦庭珠還合浦不翅披雲霧而覩青天何  
其幸歟乃復寫之琬璽與天下公其必有目擊道存  
者矣大德辛丑歲旦日住臺一虛叟題

按老子度關銘檢玉海載真宗御製獨不見此文  
惟樓觀之緣起則云關令尹傳曰尹喜結草爲樓  
精思至道周康王聞之拜爲大夫以其樓觀望故  
號此宅爲關令草樓觀卽觀之始也一云周穆王  
尙神仙因尹真人草樓在終南山之陰召幽逸之  
人尹軌杜沖謂之道士居於草樓之所號草樓觀  
又据冊府元龜唐元宗開元十年四月帝夢京師  
終南山趾有天尊之象求得之于蓋屋樓觀之側

此又唐時興建之始也樓觀之制陝西通志云唐  
高祖自以系出老氏元宗尊爲元元皇帝詔改樓  
觀爲宗聖觀宋端拱二年詔改順天興國觀元中  
統元年改爲宗聖宮前爲四子堂及文始二清二  
殿再進則望氣樓後爲宗聖宮宮後林莽翠繞有  
臺據高岡之上曰說經臺此碑稱古樓觀之大宗  
聖宮蓋觀之改宮始于皇統而碑爲大德年間所



立故稱宮也四子者南華為莊子沖虛為列子通  
元為文子洞靈為亢桑子四真人贊為唐吳筠撰  
至元大德庚子辛丑二年之間住臺道士合宋銘  
唐贊刻石立于說經臺上題記於後自稱一虛叟  
而不署姓名庚子為大德四年辛丑為五年

石保吉碑

碑下缺約高一丈四尺七寸廣五尺八寸三  
十五行字數無考正書篆額在洛陽石碑室

大宋故推忠保節同德守正翊戴功臣鎮安軍節○陳  
州管內觀察○○○使開府儀同三司檢校太師同中  
書門下平章事使持節陳州諸軍事行○○刺史兼管

內勸農使上柱國駙馬都尉西平郡開國公食邑一萬  
三千九百戶○○○○○○○○○○○○○○○○○○○○

翰林學士同修 玉清昭應宮使太中大夫行右諫

議大夫知 制誥判登口檢院柱國隴西郡開國侯

食邑一千三百戶食實封貳伯戶賜紫金魚袋臣李

宗諤奉 勅撰

翰林待 詔朝請大夫守將作少監○○騎都尉臣

白憲奉 勅書并篆額

臣聞 哲王紹慶基而撫運必有方召之侯然後

隆保大定功之業良臣揔明略以輔世非遇 勛



華之主不能展開物成務之績矧乃興邦茂勲之後  
葉重侯之貴聯姻 帝室廣降嬪築館之榮致位

公朝極出藩入輔之盛從□□□□□□□□

親覩□□□□□□□□□□舊封克下具美歷考前

聞未有如 故陳帥西平公者也 皇帝南汾

祈穀之年 華闕旋衡之日 大宮飲至方捨

爵以榮勲雲臺觀像遽興懷而念舊以為紀功筠簡已

藏虎觀之書相質松阡未舉龜趺之制爰頒 詔旨

申命詞臣備□□□之辭冀揚不朽之烈臣乏公西口

識下懼敢憑實錄以示方來按石氏之世家本姬周而

肇姓康叔封受社而開國大夫措立義而揚名世胄聿

昌英賢間出蟬聯錫口史不絕書稽乎譜系閎闕之盛

其所由來舊矣 公諱保吉字祐之本家於真定後

徙居浚儀今為大梁人也大王父諱銳累贈太子口侍

中積善在躬韜光口耀終協其昌口口口口大下流光

慶鍾貽厥勗清風以垂燕翼樹陰德以大門間惟烈考

鎮安軍節度使守中書令贈尚書令追封秦王諱守信

輔 皇宋之開基為元勲而佐命位崇上將名冠列

藩平叛壘於惟揚剪癘階於上黨 聖祖薦填篋

之口契君臣之分尤隆 口口口口口口之純誠終



始之恩彌渥優游五鎮翊下口政備存表道之碑莫之

與京此不具載公即秦王之第二子母曰秦國太

夫人魏氏嶽瀆孕靈熊羆兆夢靡童心而好弄挺奇節

以不羣論兵究三略之書撫劔學萬人之敵九苞威鳳

迥標瑞世之姿千里神駒早動過庭之歎口王之節制

汶上也公實口行口口口口內都指揮使恭惟

口口賢口下太祖皇帝第二女也以帝子之

尊漸公宮之教降星津而下嫁開王第以疏封將擇名

才必先貴胄公以列侯之子膺副馬之求式協帝

俞允符時望選尚之日授銀青光祿大夫檢校工部尚

書左衛將軍駙馬都尉義武弁衛周廬星紀載遷寵私

荐洽遷檢校尚書左僕射行口州刺史下太宗皇帝丕

承寶命嗣守瑤圖展愛沁園益鍾

眷眷推恩魯館特峻徽章進位檢校司空充本州防禦

使三年肆類上帝珪璧嚴泰時之祠四

年薄伐太原金鼓下實沉之壤公陪竹宮之望拜扈

革輅以親征既口口口之口口口口口口口口口口

口口口口口階金紫下拜朔州觀察使九年夏六月先

王薨於淮陽先皇帝痛股肱之虧悲梁木之

壞永惟同德之舊遂推延世之恩有子象賢克家濟美



公侯必復金革從權起於苦出之中寵以旌幢之貴制授起復雲麾將軍右金吾衛大將軍口州刺史威襄軍

節度使祥琴既御命口口口進階光祿大夫俄纏口口

之哀闕下太行之險是為襟帶之地素重腹心之寄僉言

綏撫允屬勲賢受詔知河陽軍州事大河之北魏為

咽喉歷代已來號為巨屏歲七銳旅以備盛秋守土搃

戎素有難才之歎頒條鞠旅遂膺兼領之榮移知天雄

軍兼兵馬都部署公以王口口口口口口口口口口

口口口口口口有若於生知法令之行闕下眾也畏愛兼資

而人莫敢犯故連營士卒仰三令之嚴闔境蒸黎戴二

天之惠端拱初帝藉展躬耕之禮率土覃遂行之

慶建牙易地瀕海殿邦加檢校太傅滄州橫海軍節度

使進封西平郡開國公又明年加特進授邢州口口軍

節度使夫加地進口口口口口口口口口口有功也轉秩

賜金漢法所闕下風聲輿情率顙以借畱壘書勞賚而褒

美故兩遷龍節而猶撫銅臺尔後紀號改元就陽報本

常先軍旅之貢屢進口口之口皇帝膺寶運以

承軌繼大明而出震誕敷寵澤首眷元侯惟彼

棠郊控於桃塞西口秦關百二口口口口口口口口周



平軍節度使歲在乙亥邊城晏開控弦之衆內侵插羽  
之書狎至虎臣式遏尙稽月捷之音

口口巡之馭 詔以公充河北諸路行營都部署公

稟 九重之成算先 萬乘以啓行受命忘

口有穰苴之口口師闕下皇威而清朝塞攘敵之效公實

首之旋加開府儀同三司景德元年 國家以公

有口口禦邊之績有龔黃惠民之口疇庸之際注口弥

隆議賞南宮亟舉旌賢之命改轅西楚遂升論道之司

加同中書門下平章事口州武寧軍節度使其闕下排障

使受 面命於仁坐遠星馳而戎道揔精銳之旅

軍於澶淵北門之外一旦戎騎數萬徑及城下公不俟

擐甲獨當其鋒即日 乘輿至於候服 駐

蹕之始亟幸北城按節勞軍歡聲雷動二師迎口口前

口六師賈勇以增口 皇闕下迴鑿於丹闕 示

慈折俎爰加禮於元戎錫宴於州之行宮賜射於宮之

後巷 上射侯連中公与襄帥次第中焉

上闔之喜遽命弓發矢隨而解之從官奉觴稱賀左右

咸呼萬歲即時俱有襲衣寶帶雕鞍名馬之賜是時口

口稽首闕下宸謀之獨斷口北下以布堅口仁强弩以當

前鋒苟閉壘以自安豈交兵而口勝公於 宸展



之側慷慨自陳曰臣無鷹犬之材蒙被驅策仰資

廟勝獲覩謚寧誠賴繼隆共申口海逃曠敗以期幸

媿勸勞而褒聞襄帥復頓首懇言口口口口石某

之下口口口口上器公能口賢而崇闕下賜巨觴極歡而罷

及闕駮駢旋軼幕府口勲首益口封式隆寵數明年

肇禋行慶易壤推恩改陳州鎮安軍節度使宛

丘奧區順口而近先王舊治之地布遺愛以在人高牙

繼世之榮嗣仁風而及物折薪之口未獲前修元口口

口口口口天眷口口口口昭易改號既均於大

慶闕下於來朝修口口口上奉符而行公鳴珂以從

攝事岱宗之下捧俎封祀之壇及口祭於方祇洎歸格

於闕清廟皆以侍中執事陟降闕帝右率禮無

違加檢校太師進邑千戶實食四百等詔歸鎮屬

大長公主美口有加良口未効口口口口口口

口口口口口口之藥終歎於無口口口口口口口口

逝不闕下勉力赴朝不敢言病洎涉旬而增篤方請告以

家居王人太醫相望於道闕天衷不憚闕翠葆亟

臨初闕上之來公雖困憊之甚不忘恭慎之儀尚

踔躍以門迎靡拖紳而卧見闕上駭公羸瘠促

命左右掖以就榻委曲口口口口形于色公口口而涕



淚交下口口而下舍以何之嗚呼以大中祥符三年四月二日晡時啓手足於豐義坊之私第 天子初

口而覽奏拒凡以震驚念同體之是虧歎殲良之何速坐不俟旦亟開苑門命昭宣使入內內侍省內侍都都

知恩州刺史秦翰徑至其第口襄口口翌日口口都官郎中口口口口假口鴻臚持節下為之助舉曲臺之謚

典給温明之秘器地臨洛汭曹京兆之新阡家象祁連霍將軍之故事即以其年六月二十六日具鹵簿歛吹

奉公靈柩歸河南府洛陽縣平樂鄉宣武原耐 先王之塋与 大長公主合葬焉從周制也昔 先王歸

口之日五十七而薨公享任与年若合符契雖下而克終盡善公又過之惟公儲大昴之純精稟空桐之勁氣

襟量豁無於城府志節確如於石席慕前哲之行事思立功於當年其臨民則遵守朝經嚴明有制治戎則申

明軍政果敢必行折獄訟於片言究學問於餘力御家嗃嗃守易象之格言事 主兢兢奉詩人之深誠口以

嫉為口口出於下之人常厚禮以延納其或邊隅告警羽檄徵兵每畏革以上言口顏行而効命有踴躍用兵

之志多縱橫制勝之謀前後三摠丈人之師六換元戎之幕風聲茂著勲望攸崇及蠶塞通驩輶軒修聘公以



戚里台衡之重主靈口宴射之儀北使瞻十丈之奇姿  
觀六鈞之絕藝歎月角山庭之闕晉室英才中的獨推  
於武子而已哉若夫位高能讓范宣子之存心功成不  
伐孟之側之為德昔亞夫絳侯之子也握兵漢室之明  
哲以保世官郭曖汾陽之嗣也尙主唐朝鮮勲庸以書  
甲令夫如是則不驕而滿不溢善其始而令其終求之  
口口公無媿於古人矣同氣三人長曰保興負雄武之  
稱有闕終於棣州防禦使季曰保從器宇恢宏風韻灑  
落挺天鍾之秀氣遽促脩齡屈海運之雄圖靡登貴仕  
終於東頭供奉官閤門祗候男十人崇儀副使貽孫禮

賓副使孝孫並驥騄奇材珪璋令器剽犀干鏢俱瑩神

鋒捕廩榷楠終膺顯口餘口口亡姪二人崇儀副使

慶孫西頭供奉官闕女十有二人長適內園副使王承

德次適右侍禁符承祐次適左侍禁閤門祗候薛貽廩

次衣道士服法名龜通次劣女五人自王氏長女而下

凡九人並早亡次適西頭供奉官吳守巖次二人在室

大勲之後昭世祀以無疆盛德之門鏤冊書而有耀將

口口佳城而流懿範播口石以永清芬而闕豐碑對聳

虎承 睿旨恭述斯文銘曰

赫赫皇宋 天集駿命 祖功宗德 重熙累盛



帝運會昌 王圖多慶 允資鉅賢 以輔元聖

煌煌西下 才為時生 星辰孕秀 岳瀆鍾靈

白猿授射 黃石傳兵 盤矛擅譽 探穴揚名闕下

肯構承家 建侯胙土 兩世旌麾 一門龍馬

乃守宛丘 先正舊封 乃服闕 奕葉上公

緇衣濟美 油幕臨戎 朝推碩德 人仰英風

天臨銅臺 親秉武節 時公先驅 奮揚威烈

將師而行 人氣闕下 控弦犯塞 亟幸澶淵

時公受命 禦侮河壖 皇威誕震 睿略遐宣

卒臻偃伯 無復騷邊 愛國忘家 丹誠蘊積

推美讓功 令猷充塞 宸懽浹洽 聖言獎激

榮闕二字 寵踰三錫 奉符喬岫 宗仙闕下

口祠攝事 恪慎如初 齋心匪懈 執禮無踰

鳳去秦樓 忽歸遼廓 夢奠兩楹 俄悲夜壑

梁木其摧 將星遽落 邦國殍瘁 冕旒震愕

荀池飾壤 滕室開銘 筠編勲伐 煙閣儀形

邨阡舊壤 樹新闕下

大中祥符四年歲次辛亥十一月庚午朔四日建

勾當人曾福口貴 都勾當元隨押衙李拱 翟口

均鄒從善王德用翟文會鏐字



保吉守信之子保興弟傳俱見東都事略白憲書復  
有大中祥符七年中嶽中天崇聖帝碑在登封字亦

端雅

中州金石記

碑多漫滅書撰人名氏俱不見今案其叙保吉歷官  
始末與宋史互勘太平興國初遷愛州防禦使以碑  
攷之尙有進檢校司空起復爲威塞軍節度以碑攷  
之尙有雲麾將軍右金吾衛大將軍其由大名改橫  
海也碑仍紀加檢校太傅進封西平郡開國公而本  
傳皆不書史從略也又碑言保吉占籍家于真定後  
徙浚儀史但云開封浚儀人是沒其祖居所自于文  
太不備此更宜以碑爲據也保吉葬平樂鄉宜武原  
先王之塋然則守信墓亦在此惜其碑無傳而傳訛  
致誤故附著于此俟訪得之爲補續也

授堂金石三跋

按碑爲李宗諤撰白憲書史傳宗諤字昌武七歲

能屬文大中祥符五年五月卒歷官與碑結銜同

此碑立于四年十一月距其卒不遠矣白憲史無

傳書譜引嵩陽石刻記祇載其所書中嶽中天崇

聖帝一碑不載此碑亦不詳事蹟碑稱考守信追

封秦王史傳及東都事略皆云追封武威郡王碑

云太祖皇帝第二女降星津而下嫁此卽延慶公



主也累封晉國大長公主先一年薨病時設醮西  
嶽有題記已見前卷碑稱第二女隆平集作第五  
女宋史公主傳太祖六女三主早亡長魏國次卽  
延慶若爲第五女則早亡者皆二三四女矣太宗  
紀太平興國三年祀園丘四年伐太原端拱元年  
耕藉田真宗景德元年親征澶淵碑所載皆合其  
卒也碑不云薨而云啓手足保興碑同又卒後與公主  
合葬不云禮也而云從周制也皆他碑所未見者  
碑云舉曲臺之謚典則應有加謚而文內未見史  
傳云謚莊武隆平集及東都事略皆作壯武未知  
孰是卒之前碑云請告家居翠葆亟臨是卒于家  
也諸傳皆不言其告歸此則碑之異者又書孟子  
反爲孟之側論語注魯大夫孟之側杜預曰之側  
孟氏族字反碑蓋書其名也序末云虎承睿曰恭  
述斯文虎疑是虔生女十二人第四女則衣道士  
服法名元通當時風尙如此猶太宗之女邠國公  
主爲尼號圓明大師真宗之女昇國公主入道號  
清虛靈照大師是也

### 石保興碑

碑高一丈四尺四寸廣五尺九寸五分三十  
六行行一百五字行書篆額在洛陽石碑室



金石錄卷一百二十一  
大宋故棣州防禦使光祿大夫檢校大□□持節棣州  
諸軍事行棣州刺史兼御史大夫上柱國西平郡開國  
公食邑三千四百戶食實封貳伯戶贈貝州觀察使石  
公神道碑銘

翰林學士通奉大夫行尚書戶部郎中知制誥同  
修國史□史館事上柱國南陽郡開國侯食邑一千  
一百戶賜紫金魚袋臣楊億奉  
勅撰

翰林待詔朝散大夫守太府少卿同正騎都尉賜  
紫金魚袋臣尹熙古奉  
勅書并篆額

夫功加于時周官藏於盟府忠以奉上馬史列於世家  
蓋智勇之誕生必在乎將相之族慶靈之回復允鍾乎  
公侯之門若乃馮厚於德基濟美於勲閔若季孫之仕  
魯是爲世卿條侯之仕漢繼掌兵柄□□餘比光弗□  
人見之於西□公矣 公諱□□字□□其先□□□  
周之胄盛於淇衛之邦春秋所記官族甚盛孝謹之譽  
旣符於西京偉麗之姿實顯於晉室積累深遠蕃衍扶  
踈今爲大梁人也惟烈考諱守信以河日龜文之表通  
龍韜鷲冠之學□□祖以光啓王業奉□宗以四征□  
□握兵星□□□□□□  
太祖宣戡亂  
太宗極常尊之數周旋無悔高  
之功佐佑



朗令終凡節制五鎮而一保釐西都歷位守中書令追冊為尚書令衛王累封秦王而曾王父諱銳累贈太保兼侍中曾祖妣王氏追封趙國太夫人王父口累贈太師兼中書令祖妣王氏追封魏國太夫人皆由口口之貴口口口王之口口母曰秦國太夫人魏氏蘊積善慶誕生峻良公始在孩提居然穎秀歧嶷之表本乎天資偏伍之容彰於兒戲先王見而異之拊其背曰軍旅之事仲尼辭以未聞詩禮之資卻縠由之登用不學牆面古典所非遺子金籟昔人不取因造就外傳俾之講習口口口口併曉口口口而不遺多識前言博通大義建

隆初以子之令補東頭供奉官始年十四口口尚食副使  
太祖方創業垂統訓師阜財丕昭皇

靈式遏亂略寤寐人傑講求武經成湯之日新是圖文王之朝食靡暇每東口延訪之口西清口口之口必口口口口口口口口其能或質之以煩挈俾剖釋其槃結或叩之以疑似俾彈射其否臧咫尺不違口機攸慎公應對明辯風義甚高  
太祖奇之即拜如

京使且有意於進用也屬紫壇蒼髻將事於親口檀案惟口口嚴於宿寢命公為御營四面都巡檢口口口口口口口口道口口口居岑寂羣靈受職而成泊



至尊高枕而攸寧未幾領順州刺史專域之重荐啓於  
侯封兩綬之榮仍叅於內侍  
太宗皇帝天

飛在運帝籙升名四夷奉琛諸侯輯瑞聞越舉宧而宿  
衛勾吳獻口於有司九州攸同三乘澈口口口口口

容進對慷慨請討願得執爿以脩前驅口掄而當一隊  
太宗嘉之以爲御寨四面都巡檢采入之

舉止誅於元惡干拯之寄允賴於口口帝口無口口之  
虞群下口口口之罰太原平錄其勞加實封

太宗益知其有馭衆之略將付以治戎之任天街之

北祲氛未消引弓之民仍歲爲寇自晉人失幽陵之地  
周室復三關之壤列鄣相望盛兵口口口有李口守口  
之能口口口口防口口口口命公爲口陽關駐泊都  
監公內口口口外口口口口口口口口口容口生  
養威懷必勝之略單醪所及絕甘而悉周燿火斯傳對  
博而無廢威名以震紀律用張會先王捐館宛丘公卽  
見星而往行哭孺慕哀感路人倚廬絕漿僅成死孝有  
詔起復口口將軍順州團練使口世之賞口口於元口  
口墨之口乃口口口口雍熙口口口口口口口口口  
口支之生羌連党項之雜種犯關縱擾以干靈誅命公



為銀夏綏麟府州故關都巡檢使秋氣始至塞外早寒  
 □□□膠折弓勁公因率麾下以□戎索由菴口塞  
 並黑□□□中戎人數千騎安義於□□立分精騎  
 二千持短兵伏於□側戎人□□□□□以□□  
 □急擊斬首百餘級逐北數十里鼓儻泓水脗合於沉  
 機獻誠泮宮聿騰於善頌□詔褒諭英聲著聞俄丁內  
 艱殆將滅性中旨抑奪急于用才出為澶州駐泊都監  
 以綏軍政朔方猶□□車未□□頁銀夏徼巡之寄兩  
 河□□佳兵未戢復□高陽□□□□□知□□  
 軍未幾知莫州軍州事涿鹿之野百雉□制惟雄文□  
 之邦九合之□所出公緩帶為治雅歌自娛疆事益修  
 條□成叙□  
 太宗念服戎之斯久屬乘塞之

甫寧□□□□□修觀俄為西京水南北都巡檢使  
 實先王□守之地多□□去□之人口□□□素□□  
 □第美積成列俯邇於瑩阡慰勤孝之□懷多□公之  
 清宴時星方猶朗宇□方馳公慨然歎曰金革未息吾  
 恐不得久居此矣月餘真拜斬州團練使京兆府駐泊  
 兵馬鈐轄兼管華□□商巡檢兵馬捕□等事戎酋假  
 息□□於恢疎邊壘戒嚴不忘於備□□□鎮□□  
 所集兼總數道以當一而徙公為延州路鈐轄兼管界



都巡檢使至道中命范廷召為都部署俾公副之總萬  
 旅以口征口五口而口會山川聚米虜已見於成擒甲  
 冑起口才皆思於賈勇既致千口之口乃為絕漠之行  
 錫口口容昆口金鼓之口口口有口口口口口  
 口拒王師公以其蠢蠢之妖無假堂堂之陣選敢死士  
 數百人銜枚夜襲盡滅其族無有噍類自是吳移越移  
 等口公口口口恩望風來歸適與賊遇口口池彼既口  
 口公口口口出口口口口口口口中流矢而踏公挺  
 立口口口口敢向口口口口口口口口口口口口  
 口口口我而我武益奮兇黨遂奔左輪朱丹豈嘗言定

樞書月至安敢寧居朝命班師不獲窮討公蓄銳氣以  
 京壯恨渠魁之未殲謂軍吏曰彼朝口者非臨陣先遁  
 將擒口口下矣口  
 太宗口口口口公口口

皇帝口任舊人慎重邊寄命公知威  
 虜軍事明年單于萬騎長圍孤堞雲梯並進術盡於九  
 攻積壤僅存危極於三版公以衆寡既懸利於堅壁激  
 勸斯在莫如揮金大發官帑以口口士口口口執口口  
 口口之口口口口口口口口事寧口口口口口口  
 口既口口口口口矢石雨下殺傷甚多烏烏聲樂宿夕  
 皆遁完守之績帝用嘉之就拜棣州防禦使俄以足疾



移知邢州又改知澶州事眾潦並集淇河暴漲激竹箭  
 之迅浪溢金隄之口防公洗心以齋口口致口考古制  
 以沉口口口口口口口口口口口口口口口口水  
 口攸口是口口口口口口口口口口口口口口口口  
 効簡于天衷而美环有加削章荐至亦既受代肩輿  
 而歸賜告家居以便頤養王人太醫晨夕詠問嗚呼不  
 幸以口口口口口口口口口口口口口口口口口口口  
 享年五十口口口口口口口口口口口口口口口口口口  
 口口聞訃嗟悼口口口口口口口口口口口口口口口

年秋八月甲午歸葬於河南洛陽縣平樂鄉宣武村控

澤原之先塋舉夫人洪農縣君楊氏祔焉禮也夫人即  
 故保大軍節度使廷璋之口女口口口口德儀于通門先  
 公而亡不口口口口口口口口口口崇儀口口口口口  
 口口口口口口口口口口口口口口口口口口口口口  
 華胄之恭人鍾高閣之積慶次曰懿孫西頭供奉官溫  
 良自守淑慎靡渝俯及勝冠巳彰肯構五女長適西頭  
 供奉官閭門祗候程繼忠故口州團練使口元之子次  
 適侍禁口永崇故鎮口將軍節度使廷口之子次適口  
 口子口口口口口口口口口口口口口口口口口口口口  
 肺臻之子次在室惟程氏李氏及幼女皆天孫二人長



宗道右班殿直次尚弟孫女一人亦幼母弟故鎮安軍

節度使檢校太師同中書門下平章事駙馬都尉口中

書令諱保吉□□□□□□□□□□□□□□□□□□□□

□□□□□□□□偉望冠于友邦胡不永年茲用太息

季弟保從東頭供奉官閤門祔候夙負美材未躋膺仕

亦悲早世莫申永圖中書之二子曰貽孫崇儀副使孝

孫禮賓副使咸挺英概無忝貽謀□下之徵□大□□

公之歷官□□□□□□□□□□□□□□□□□□□□

郡政入司戎律屢馳使傳三護大營斯倚任之重矣公

至性純孝勤於致養先王太夫人或晦明微沫息偃第

康冠帶侍旁口調自手藥先嘗而乃進口宿露以口口

出於誠心未遑卜口而口口口口口口口口口口口口

口口口口口口口口美閨門稱悌至於擊劔之妙飲羽之

能絕出輩流莫可倫擬穰苴兵法孔明陣圖史匠之占

圯橋之略悉探其賢必索其精加以涉獵史傳應荅無

滯吟詠情性叩課特工莅澶淵日作言懷詩一篇叙止

足之意得比興之體傳口人口作口口口口口口口口

口口口口口口口口漢藉攸記翁歸兼文武之才惟四美

之難偕於公斯無關矣矧又體貌魁傑志懷沉毅重夫



然諾兼金是輕嫉彼回邪過門必騁善保基緒重世而  
 莫京謹守廉隅歷官而無過咨所謂人倫之口子王國  
 之吉士者口大口中祥符口年口口口口之口口口流根  
 之口口口口口口口口口口口口口口口口口口口口口口  
 具州觀察使貽燕之祉久而益光褒  
 命之數茲焉為異公本名貞  
 太祖改賜今

諱允協充閭之慶以成知臣之美公亦拜君之賜退思  
 而有光裕父之蠶肆修而無忝載德之盛良可述焉諸  
 孤等以窳窳即安歲月增逝口口口口口口口口口口口口  
 口口口口口口口口口口口口口口口口口口口口口口口口  
 刊貞嚮猥頌  
 俞旨屬於下臣顧

慙空踈謬當論誤九原可作方惻於  
 宸襟一字之

褒虔遵於直筆銘曰

先民有言 立功不朽 公于出征 屢折戎醜 大

易之訓 積善慶餘 公之肯構 克昌門閭 紫禁

承榮 倫侯列爵 印芳纍纍 綬兮若若 通都列

城 居官有恪 二矛重弓 從軍信樂 擊鼓其鏜

我口口口口口口口口口口口口口口口口口口口口口口

威名日彰 嗚呼不弔 今也云亡 曲洛東流 維

嵩南峙 鞏樹蒼茫 周原瀟泚 逝者如斯 人生

到此 真宅言歸 新阡鬱起 日車奔兮風駟馳

口舟趨兮灰瑄移 夜漫漫兮佳城閉 露瀼瀼兮宿



草滋 □□□□□□ □□德方□□ □□□□

□□ 欲報德方無期 託斯文方篆刻 尉終天之

孝思 礪密石方表幽域 巨方來方無愧辭

大中祥符四年歲次辛亥十二月庚子朔十一日庚

戌建

翟詢翟文口刻

勾當人張 羅

保興守信之子碑載事蹟與宋史頗合而歷官較詳  
保興先為銀夏綏麟府州故關都巡檢使丁內艱起  
為澶州駐泊都監史載澶州駐泊在徙銀夏綏府都

巡檢使之前當以碑為正餘銜亦少有異同碑云公  
本名貞太祖改錫今諱史云本名保正太祖取興宗  
之義改之東都事略亦作保正宋人避仁宗嫌名故  
也按碑保興葬于河南洛陽縣平樂鄉宣武邨梓澤  
原之先塋今墓見存尹熙古者書史會要云官翰林  
待詔工篆得撥鐙法所書為一時之絕觀其行書有  
唐人風格而出于王右軍信可愛也東都事略保興  
傳甚畧而宋史甚詳當据此碑而作然則金石之傳

其功不小矣 中州金石記

碑下截已損缺就識尚可句碑言保興當太祖時進



如京使即為御管四面都巡檢史不備載碑言為京州府兵馬駐泊鈐轄兼管華

缺二字

商巡檢兵馬捕盜

等事徙為延州路鈐轄兼管界都巡檢使則史較此為略也保興本名保正碑云本名貞此由仁宗諱禎

當時史館收此並避貞故遂易貞為正而元修宋史相仍不改故耳碑久為金石攷收及但誤為石守信

則非小誤也

府志同此誤

書有二王遺法尤為宋刻所希

授堂金石三跋

按此碑撰者楊億書者尹熙古史傳億字大年建州浦城人七歲能屬文淳化中詣闕獻文命試翰

林賜進士第景德三年以後歷官與碑合大中祥符五年以疾告此碑立于四年在未疾之前一年

尹熙古無傳此碑諱字皆泐惟題稱棗州防禦使石公考諱守信弟諱保吉季弟諱保從前後證之


可定其為石保興碑也碑泐其卒年据傳是咸平五年又享年五十下泐一字据傳是五十八碑云

以明年秋八月甲午歸葬係六年而立碑在葬後八年殆因弟保吉卒營葬時因請于朝而後皆奉

勅撰書以立也保吉碑立于大中祥符四年十一月四日此碑立于四年十二月十一日是在立保



吉碑後一月餘然保吉碑已有豐碑對聳之語是  
二碑並立也保興葬所平樂鄉宣武村先塋與保  
吉同是同祔一處所謂對聳當卽指此碑則其父  
守信自必有碑不可攷矣碑書先世自曾祖以下  
皆詳及其妣保吉碑不書彼此少異餘則未有異  
例也碑書二子長子名泐据史名元孫次日懿孫  
史則不書然保吉碑又載姪二人崇儀副使慶孫  
西頭供奉官下泐當是元孫史稱元孫以蔭爲東  
頭供奉官或東西互異耳而慶孫則史未見豈元  
孫之兄耶抑保從之子耶保從早世兩碑不言其  
有子然史於保興傳有云保興世豪貴累財鉅萬  
悉爲季弟保從之子所廢是保從有子矣碑言保  
興能詩莅澶淵日作言懷詩一篇今宋詩紀事不  
存是久佚也





齊景公

興師討莒莒潰曰吾嘗聞魯一辭今宋桓公事

悉為季弟糾殺之子泄莒是糾殺有子夷軒言糾

自于然也故糾與桓自云糾與甘棠貴果相驗

